



Bosnia and Herzegovina
Federation of Bosnia and Herzegovina
CANTON SARAJEVO
**Ministry for Science, Higher Education and
Youth**

Broj: 27-04-04-45708/21
Sarajevo, 10.12. 2021. godine

SKUPŠTINA KANTONA SARAJEVO
n/r Elvedin Okerić, predsjedavajući

PREDMET: Izjašnjenje na zastupničku inicijativu zastupnice u Skupštini Kantona Sarajevo Amre Hasagić, dostavlja se. -

VEZA: Vaš akt broj 01-04-40137-66/21 od 18.11.2021. godine

Na nastavku 44. Radne sjednice Kantona Sarajevo održane dana 17.11.2021.godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa čl. 213. stav 1. Poslovnika Skupštine Kantona Sarajevo, zastupnica u Skupštini Kantona Sarajevo Amra Hasagić, uputila je zastupničku inicijativu prema Vladi Kantona Sarajevo, citat:

„...da izvrši sve neophodne pripremne radnje za donošenja Zakona o mladima Kantona Sarajevo“.

U vezi upućene zastupničke inicijative, Ministarstvo za nauku, visoko obrazovanje i mlade Kantona Sarajevo (u daljem tekstu: Ministarstvo) izjašnjava, kako slijedi.

Ministarstvo za nauku, visoko obrazovanje i mlade Kantona Sarajevo, nadležno je za resor, pitanja mladih. Normativni okvir za resor uspostavljen je donošenjem Zakona o mladima Federacije Bosne i Hercegovine („Službene novine Kantona Sarajevo“, br. 36/10). U Kantonu Sarajevo na snazi je i Strategija prema mladima Kantona Sarajevo 2019.- 2023., čiji je interes da kantonalni organi, lokalne samouprave, sva udruženja građana i ostali subjekti društvene zajednice, poput omladinskih organizacija civilnog društva, neformalnih grupa i organizacija mladih i za mlade,



ustanova, institucija i medija, vjerskih i manjinskih zajednica, političkih stranaka, međusobnom saradnjom i zajedničkim djelovanjem doprinesu postizanju zajedničkih ciljeva, koji se odnose na život mladih. Ovim strateškim dokumentom nastoji se poboljšati kvalitet života mladih, uvažavajući njihove interese, a prema evropskim standardima i uspješnim iskustvima iz regiona, uključiti što veći broj mladih u procese odlučivanja, naročito o potrebama i problemima mladih. Strateškim pristupom prema mladima žele se stvoriti uvjeti za afirmaciju mladih, smanjiti njihov odlazak iz zemlje, izgraditi konstruktivan i partnerski odnos sa omladinskim organizacijama, kantonalnim organima i lokalnom samoupravom u ostvarivanju ciljeva za dobrobit mladih ljudi u društvu.

U smislu prednjeg, navedenim normativnim okvirom nije predviđeno, odnosno nije dato ovlaštenje kantonima da donose svoje, kantonalne zakone. Obaveze koje iz zakona proističu za općinske, gradske i kantonalne vlasti propisane su članom 13. i 14. Zakona o mladima, što se u praksi, barem u pogledu Kantona Sarajevo, u većini obaveza implementira.

Za informaciju više ističemo da sektorskom Strategijom prema mladima Kantona Sarajevo 2019.- 2023. godine, kao strateškim dokumentom razvojnog planiranja koji definiše javne politike, pravce, ciljeve i resurse razvoja sektora i proizilazi iz strategije razvoja, nije predviđeno donošenje Zakona o mladima Kantona Sarajevo.

S poštovanjem,

MINISTRICA

Prof. dr. Aleksandra Nikolić



Dostaviti:

1. Naslovu
2. Služba za skupštinske poslove Kantona Sarajevo
3. Stručna služba Vlade Kantona Sarajevo
4. Zastupnica Amra Hasagić
5. a/a

Sekretarka Belma Trajkov



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-029,
Sarajevo, Reisa Džemaludina Čauševića 1

